

# He Puna Kōrero

Wāhanga 3 - Wiki 1

Pānui - Paraire 26 o Hurae 2024



*“Ko te kura hei kāinga, ko te kāinga hei kura.”*

Katahi te wānanga reo tino pai rawa atu ko terā i tū ki tō tātou kura i te mutunga wiki tuatahi o ngā hararei. E 130 ngā tāngata i rēhita heoi, e 121 i tae a tinana mai. Ko tā Ngā Mokopuna wānanga reo tuarua tērā i whakaritea mō ngā whānau o te kura me ngā whānau o ngā kōhanga reo me te puna reo e whāngai tamariki mai ana ki tō tātou kura. Āpiti atu, neke atu i te 40 ngā tamariki i tiakina mō te roanga o te wānanga rā - kei whea mai koutou ngā kaitiaki!

Ka nui te mihi ki a Matua Te Wehi me tana tira whakarite, whakahaere anō hoki - ko Te Ana Stephen rātou ko CC rāua ko Shanara Wallace, ko Shaq Milner me Rhianon Munro. Tae atu ki ērā o te whānau i tae atu ki te tautoko me te hāpai i te taha manaaki i te taha o Papa Tū Temara rāua ko Matua Kaelyn Marshall, tēnā rā koutou katoa kei ngā rangatira!

Ko te mihi tuatoru ka tukuna ki ngā kaiako toko rima me ngā kaikōrero toko rua i tae a tinana mai. Arā ko Ruth Smith, ko Matarena Ihakara, ko Hinerapa Rupuha, ko Ruihana Te Nahu, ko Ne’Kol Hura me ngā kaikōrero, ko Prof Rawinia Higgins, ko Dr Hona Black. Nō tātou te maringa nui he hunga pēnei te kounga nui i tae mai hei kaiako, hei kaikōrero ki tā tātou kura reo whakaiti nei!

Heoi anō ko te mihi whakamutunga ka tukuna ki ngā whānau i tae mai hei ākongā - ka wani kē koutou kei āku rangatira! He tohu tērā o tā koutou ngākau nui, aroha hoki ki tō tātou reo, ki a tātou tamariki me te whakarauoratanga o ērā āhuatanga e rua! Tērā te kōrero a Te Aho Matua:

Ehara i te mea mā ngā tamariki anake te kura heoi, mā ngā whānau katoa mehemea e hiahia ana rātou te whakatū wānanga mā rātou anō. Kua ea, kua ea, kua ea!

Ahakoia kāore anō kia tau rawa, kei reira te whakaaro ki te whakatū kura reo anō hei te tau e tū mai nei - mātakitakihia tēnei wāhi! Toitū te reo! Toitū te Aho Matua, toitū te mana Māori motuhake!

# Te Kura Reo o Ngā Mokopuna



Ahorangi Rawinia Higgins




Te Kāhui Kaiako



Kaiwhakaahua: Te Rawhitiroa



Ngā Raukura o Ngā Mokopuna





Pure - Hautapu: 22/07/24

## Hōtaka Wahanga 3 - 2024

Āta pānui tēnei hōtaka ia wiki i te tupono kua panoni ētahi o ngā whakaritenga!

	<i>Rāhina</i>	<i>Rātū</i>	<i>Rāapa</i>	<i>Rāpare</i>	<i>Rāmere</i>	<i>Ngā rā whakatā</i>
Wiki 1 22.07 - 27.07		<i>Kauhoe 1-3pm</i>		<i>Akautangi (1-3pm)</i>		
Wiki 2 29.07 - 03.08		<i>Kauhoe 1:30-3pm</i>		<i>Akautangi (1-3pm)</i>		
Wiki 3 05.08 - 09.08		<i>Kauhoe 1-3pm</i>	EZ Poitarawhiti tau 5-8			
Wiki 4 12.08 - 16.08		<i>Kauhoe 1-3pm</i>		<i>Akautangi (1-3pm)</i>	Whakataetae pororinga (Tau 7/8)	
Wiki 5 19.08 - 23.08	He rā kaiako	<i>Kauhoe 1-3pm</i>	EZ Kauhoe tau 4-8	<i>Akautangi (1-3pm)</i>	Takirua @ 9.30 am	
Wiki 6 26.08 - 30.08		<i>Kauhoe 1-3pm</i>	Poutiria te Aroha wananga ki te kura (Mataira Whānau)			Te Rā o pāpā
Wiki 7 02.09 - 06.09		<i>Kauhoe 1-3pm</i>	Haro te kaki roa		<i>Akautangi (1-3pm)</i>	
Wiki 8 09.09 - 13.08		<i>Kauhoe 1-3pm</i> PSW poiwhana 1-4 (Akau Tangi)	PSW poiwhana 3-4 (Akau Tangi)	PSW poiwhana 5-8 (Akau Tangi)	Te Rā Kahu tahi (Onesie)	Mokopapa RW Ruamata Marae
Wiki 9 16.09 - 20.09		<i>Kauhoe 1-3pm</i>	EZ Haupoi tau 5-8	<i>Akautangi (1-3pm)</i>		
Wiki 10 23.09 - 27.09						
Haerenga ki Kanata						